

Na osnovu člana 257. tačka f, člana 263. stav (3) i člana 303. Zakona o privrednim društvima („Službene novine Federacije BiH“, broj 81/15), člana 11. i člana 12. Zakona o javnim preduzećima („Službene novine FBiH“, broj: 08/05, 81/08, 22/09 i 109/12), te člana 31. alineja 8, člana 38. i člana 39. Statuta Javnog preduzeća «**RADIO TELEVIZIJA ZENICA**» društvo sa ograničenom odgovornošću ZENICA (broj: 826/10 od 18.11.2010. godine) i Odluke Nadzornog odbora broj: 731/21 od 15.07.2021. godine, Javno preduzeće «**RADIO TELEVIZIJA ZENICA**» društvo sa ograničenom odgovornošću ZENICA sa sjedištem u Zenici, u ulici Bulevar Kralja Tvrtka I bb raspisuje

K O N K U R S

za izbor i imenovanje Uprave JP «**RTV ZENICA**» d.o.o. ZENICA

- I. Konkurs se raspisuje za izbor i imenovanje Uprave Društva.
- II. Upravu Društva čini direktor.
- III. Sa imenovanim licem zaključuje se ugovor o radu na određeno vrijeme, na mandatni period od četiri (4) godine, te po isteku mandata istom prestaje radni odnos.
- IV. Kandidati koji se prijavljuju na Konkurs treba da ispunjavaju opće i posebne uslove.
- V. Položaj, ovlaštenja, odgovornosti, materijalna i druga prava direktora Društva uređuju se ugovorom između direktora i Nadzornog odbora Društva.
- VI. **Opći uslovi:**
 1. da je državljanin Bosne i Hercegovine;
 2. da nije stariji od 65 godina;
 3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja Konkursa;
 4. da nije pod optužnicom Međunarodnog suda za ratne zločine u bivšoj Jugoslaviji;
 5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH i člana 12. Zakona o javnim preduzećima;
 6. da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti;
 7. da nije član upravnog ili nadzornog odbora drugog društva ili institucije, ni odbora za reviziju;
 8. da nema ni privatni ni finansijski interes u Društvu u koje se kandiduje;

9. da nije osuđivan za krivično djelo i za prekršaj nespojiv sa dužnošću u Društvu, pet godina od dana pravomoćnosti presude, isključujući vrijeme zatvorske kazne;
10. da nije lice kojoj je presudom suda zabranjeno obavljanje aktivnosti u nadležnosti Uprave Društva.

VII. Posebni uslovi

- 1) visoka stručna sprema sedmog (VII) stepena, društvenog ili tehničkog smjera, odnosno visoko obrazovanje prvog, drugog ili trećeg ciklusa studija po bolonjskom sistemu studiranja, najmanje 240 ECTS bodova;
- 2) tri (3) godine radnog iskustva u struci;
- 3) program rada;
- 4) iskustvo u radu medija

VIII. Potrebni dokumenti

1. Prijava kandidata;
2. Kraća biografija sa adresom, kontakt telefonom i profesionalnim referencama kandidata;
3. Uvjerenje o državljanstvu (ne starije od 6 mjeseci);
4. Diploma o stečenom visokom obrazovanju - dokaz o stručnoj spremi;
5. Dokaz o radnom iskustvu u struci;
6. Ovjerene izjave (ukupno 8) o činjenicama nabrojanim pod tačkom VI. Konkursa, počevši od broja 3. do zaključno broja 10. Općih uslova;
7. Program rada;
8. Dokaz o iskustvu u radu medija.

IX. Izabrani kandidat ima obavezu da u roku od 15 dana od dana zaprimanja obavještenja o njegovom izboru kao najboljeg kandidata, dostavi ljekarsko uvjerenje, uvjerenje nadležnog kantonalnog ministarstva unutrašnjih poslova – uprava policije o neosuđivanju/nekažnjavanju za krivično djelo ili za privredni prijestup za radnje nespojive s dužnošću Uprave Društva (ne starije od 6 mjeseci) i uvjerenje nadležnog kantonalnog suda da nije potvrđena optužnica kod općinskog ili kantonalnog suda za krivično djelo ili za privredni prijestup za radnje nespojive s dužnošću Uprave Društva (ne starije od 6 mjeseci).

X. Dokumenti koji se prilažu uz prijavu moraju biti originali ili ovjerene kopije.

Kandidati koji uđu u uži izbor biće pozvani na intervju.

Nepotpune i neblagovremene prijave neće se razmatrati.

Konkurs ostaje otvoren 15 dana od dana posljednjeg objavljivanja. Posljednji dan podnošenja prijava računa se prema datumu objave u glasilu koje posljednje bude objavilo ovaj konkurs.

Konkurs će se objaviti u „Službenim novinama Federacije BiH“, najmanje jednom dnevnom listu koji izlazi na teritoriji Federacije Bosne i Hercegovine i web stranici Grada Zenica.

Prijave sa traženom dokumentacijom mogu se dostaviti isključivo preporučenom poštom, na adresu:

JP «RTV ZENICA» d.o.o. ZENICA

Bulevar kralja Tvrtka I bb

72.000 Zenica

sa naznakom:

**„NE OTVARAJ - PRIJAVA NA KONKURS ZA IZBOR I IMENOVANJE
UPRAVE JP «RTV ZENICA» d.o.o. ZENICA“**

